

靜樂縣志三卷

知縣長垣黃圖昌淑岱纂修

建置志

邇邇邦子民者仁義以爲藩籬道德以爲屏翰固也若乃城郭宮室倉舖市廛百官之屬修職業明政刑禦寇藏幣則社稷之憑依也敢憚勤勞忘愼固與況今制皆古制也前之人有幾費經營而爲之者矣廢興之際實關勤惰宐乎覩吏治者道路更鼓之間有餘羨焉爰志建置曰城池曰公署曰驛舖曰集市曰墩堡曰橋梁曰壇

青島縣志卷之三
三
廟曰惠典

城池

城古憲州城卽漢汾陽縣置城址

宋熙寧間修城周圍四里一百二十步高二丈惟南北二門穿穴西南以洩集雨

金元仍舊城

明洪武四年署事張興以指揮奉命來築城高二丈三及重池各深五尺濶十步

景泰二年知縣史魁增城一丈池深七尺增置東門

嘉靖十九年署事祁縣縣丞李汝揖與主簿李東萊復補葺之

隆慶二年巡道沈人种按靜縣事縣丞劉受舉邑民尚義有力者輩尚德等二十四人分工輸財不動官銀不勞民力增城高三丈八尺厚五丈女牆去土而甃之修飾南門增以樓共增樓爲七臺爲二十六置舖一十九架八百五十有碑記見藝文

萬曆二年知縣于躍淵重修北門

二十四年知縣張木重修甕城門

二十五年知縣王近愚議磚包城不果

三十二年知縣羅以旌補築東北城角野獸始不入城
重修北門甕城及城樓

三十三年御史康丕揚本前王近愚議疏准磚包城垣
開門引水動帑金七千九百三兩四錢五分軍壯二
千九百七十三名李中丞捐酒課銀一千五百兩知
縣左司諫董其事城高六子牆四丈二尺開東門砌
水道于時減敵臺二減城門七十減原議七鈎七維
數目畱三四層不等又減娘娘山青石用北門外砂

石減漫頂磚一層城壕未浚當年水灌南城賊二十丈明年北城崩三十八

三十八年知縣李士俊補允北城心勤功實創建鼓樓市樓東門城樓東南角樓但於舊志所載重壕者巧鬻民家頓成私畝矣

三十九年知縣程希堯經營樓鋪城中大街北曰安樂南曰康福東曰儒林西曰忠烈安樂之東曰和順陂西曰永寧陂東曰西寧永寧之北爲節義南門之東爲安阜縣治前關王廟街曰宣化街旁有三小巷以

便居民

南郭城東西南三關各設一門

正統二年增築

嘉靖三十三年礮水冲南面止存東西兩門議築未果

天啓末年修築未完

崇禎四年流寇入關焚燬廬舍五年六年草率修葺未得

堅固今南面磚頽一十九西面磚頽一十四丈城門


亦且損壞久議修築而災荒年間難以措手乃大城且


有傾倒東門北數丈焉統侯豐稔再圖鳩工邑中事有

欲爲而不得爲者此類是也

考大城之修始於繡衣康公於太尹左公四面堅好足稱蕩蕩佳城而前志乃亡咨致咎於減工無恕詞焉予初不謂然今觀已卯秋雨頽東北城六七丈而將頽者又不止此信乎減工之過也不久未及百年而已敗奚取乎磚包爲也作事謀始奈何不懷而滋物議隳厥功惜哉

縣城圖





公署

縣治在城西北隅卽漢汾陽縣治宋憲州治增清安堂

明初知縣南儀修縣治洪武二年縣丞譚章修政堂堂左

爲贊政亭

今無亭庫
房在焉

又東爲鄧陽侯祠堂右爲架閣庫

今爲承
發司

堂後爲退思亭又後爲寢宅宅東爲縣丞分署

無前爲典史分署宅西爲主簿分署嘉靖年間省

今爲
馬驛

其南爲獄又南爲草廩

今爲
民

堂下六房二門外東入南

爲預備倉萬曆九年知縣張憲昌增修倉廩永便儲蓄

北爲賓館知縣王近愚建久廢萬曆十五年火政堂退


思亭知縣劉沂修政堂四十五年知縣賀景祿修退思亭崇禎元年知縣任秉衡修大門起層樓


國朝康熙二十三年知縣張彥紳建靜安堂

按縣治堂舍代有增修蓋亦常極意經營於斯矣載考往牒初無專記將觀瞻之地紀綱之區殊不如紀城垣誌壇廟者之詳且悉焉詎非闕事故今亦止就目前規模撮其大要其節次修建者無從編定而規畫歸之譚丞又不知何說也

縣治總圖

此圖與今小異
 西亭二衙驛衙
 藥局俱無舊迹
 可攷大門東申
 明亭隔於民舍
 西無寸尺公址
 皆與圖異今宜
 從舊存
 故制焉





儒學在文廟左

社學舊在縣治西久廢

察院在儒林街

布政司在永寧街久廢

按察司在布政司後稍西久廢

陰陽學久廢今止存其名訓術李思孔

醫僧同

醫學舊在縣治東後改爲社學知縣李士俊施藥治瘟用

醫生郝郡司其事申賜冠帶欲復社學爲醫學未果今

社學已廢醫學未復訓科白懷珍

僧會司舊在興國寺今廢僧會海湧住城隍廟

道會司舊在天慶觀久廢有僧人住持於此

巡檢司明初有三一設於兩嶺山後移順水村今在故鎮
一設於古婁煩城中今仍舊一設於娑婆隘弘治十年
改天門關屬陽曲縣

申明亭知縣于躍淵建額曰彰善癉惡

旌善亭知縣南儀建久毀

靜樂倉原在縣治中嘉靖間改遷寧化所

鼓樓知縣李士俊建在縣治左北市口四明洞原制三

簷滴水頗高聳足助觀瞻又南北二門無直衝之嫌蓋
李公好興舉不動民財足稱才能矣至

國朝知縣歐鴻改三滴水而卑小之堪輿家皆以不如前
制爲利

市樓在南市口知縣李士俊建

鐘樓原在儒學大門外偏左後以西金有聲之物高占山
頭搖落生氣又非廟學蓄聚之旨乃議徙鐘於市樓故
今市樓爲鐘樓云

演武亭舊在北門外道西河水衝沒知縣楊登科改置道

東

接官廳在東郭民居之東知縣張應昌建

道弘官廳在縣西三十里

康家會官廳廢

小店鎮官廳廢

永安鎮官廳知縣羅以旌建康熙三十六年重修

社倉舊志有六康家會下馬城道弘永安鎮婁煩洞子頭

俱久廢

養廉倉萬曆二十九年巡按趙文炳發紙價銀三十兩糴